

RNI 68092/83 Regn. No. N.E. 1024

From

Synod Literature & Publication Board

Synod Office, Mission Veng

Aizawl – 796 001, Mizoram

Phone : 2324590

www.mizoramsynod.org



Vol. XXV No. 336

N E W S L E T T E R

September, 2011

WOMEN CENTRE LUNGPHUM PHUM A NI

Kum 10 kal taa Mizoram Presbyterian Kohhran Hmeichhe Inkhawmpui Lianin hma lakna tura a thlan, Synod Executive Committee (SEC) leh Synod Inkhawmpui pawhin a lo pawmpui **'Women Centre'** dinna tur lungphum chu August 12, 2011 khan a sakna hmun tur Phunchawng (Vaivakawn Bial)-ah Rev. C. Lalsangliana, Synod Moderator-in a phûm. Lungphum inkhawm hi Central Kohhran Hmeichhe Chairman Pi Lalthanmawiin a kaihuai a, Women Centre Sub-Committee Secretary Pi Lalrinkimin he Centre din a nih theihna tura hma lak tawh dan chanchin a sawi hnuin Synod Moderator-in thuchah a sawi a. Synod Zaipawl an zai zawhah Rev. Lalzuithanga, Executive Secretary te; a sak hna thawk tur Upa Chawngthanmawia te; sak dan tur chipchiar duangtu Pu Samuel Lalfana, TBL Architectural Consultant - ten thu an sawi leh a. Rev. Vanlalzuata, Senior Executive Secretary-in malsawmnain inkhawm a fin a. Lungphum inkhawm zawh hian thingpui ruai kil ho a ni.

Women Centre hi Central Kohhran Hmeichhe Committee chuan September 11, 2000 khan din a lo remti tawh a. Synod Officers' Meeting leh SEC-ahthe thlenin SEC chuan a pawmpui a, Synod-a thlen turin a ti a (SEC 180:32). Synod Inkhawmpuiin Synod sum seng lovin, Foreign Grant atanga sak turin a rel leh a (Synod 77:34 of 2001).

He Centre atan hian Hlimen rama Synod Rescue Home dinna hmun tura buatsaih, in thenkhat pawh sak tawh, Quarry chim avanga chhunzawm tak loh chu SEC phalnaa tuaihnumin eng emaw chen hma lak a ni a. Kawngpui tha, fur lai pawha kal theihna tur sial leh enkawl hautak zet tur hmabak chu Kohhran Hmeichhe tan chuan huphurhawm tak tur nia ngaiin hmun dang zawn a ni a. Tuna lungphumna hmun Pu L.H. Thanga te chungkuain Synod an pek chu Kohhran Hmeichhiaten SEC-ah an dil a; SEC-in a lo remti a. Central Kohhran Hmeichhe Committee chuan phur takin hma an la ta a ni.

Women Centre hi thlarau lam nuna intuai tharna hmun atan te, training chi hrang hrang buatsaihna hmun atan te leh tanpui ngai hmeichhiate tanpuina hmun atan te hman tura buatsaih a ni. Sak dan tur leh senso tur ruahmanna siamtu TBL Architectural Consultant chuan ₹ 3,65,54,000/-a sak zawh turin a ruahman a. Chutih laiin Women Centre sakna tur bik budget, kum 2002-a siam tan a nih atanga hmuh tawh chu ₹ 87,70,716/

- chauh a la ni a, hetah hian ram pâwn lam, Wales leh Australia atanga tanpuina dawn tlem azawng a tel nghe nghe. Hlimen lama hma lak tawhna leh a hmun thar tur singsakna atan ₹ 1,57,239/- hman tawh a ni bawh.

Centre building sak hna thawk tur (contractor) atan Upa Chawngthanmawia, Kolasib Diakkawn thlan a ni a. Ani hian sum awm sa hman zawh a nih pawhin hna chawl chuang lova ama suma sa zelin Kohhran Hmeichhiate chuan an sum hmuh theih dan ang anga rul mai turin a ti a, Pathian tana a tih ve theih tlawm tak nia ngaiin hna pawh a tha thei ang bera thawh a nih tur thu te, hmanrua pawh a tha ber ber hman a nih tur thu a sawi a. Kohhran Hmeichhe hruiatuten thlamuanthlak hlein an hria.

Women Centre sakna tur hi Phunchawng Venga Presbyterian Kohhran Biak In thlang, Sairang kawngpui ân, hmun rem tha tak a ni a, he hmun hi Pu L.H. Thanga te chungkua, Ramhlun North-ten an nu leh pate – Upa Thansanga leh Pi Tawni te hriat reng nan Mizoram Presbyterian Kohhran Synod an pek a ni a; ram zau tawh tak, National Highway ân mai a nih avangin a leia lei râlah chuan maktaduai chuang senna tur a ni.

Centre awmna Phunchawng Kohhran pawhin an Kohhran huam chungga Centre changtlung tak din a ni tur chu Pathian remruata ngaiin lawmawm an ti hle tih thu kan dawng.

Thu lakna : Synfo & Pi Lalrinkimi, Secretary, WCSC



Editorial Staff

Rev. Thangzauva
Upa H. Ronghaka
Rev. B. Lalngakliana
Upa C.H. Thangkhuma

Pathian thu chuan 'Beiseinain a ni chhandamin kan awm ni' a ti a. Beidawna hi hring nunah hian a hlauhawm hle a, nun titawitu-ah pawh a tang hial thei. Chutiang a nih em loh pawhin nun hlimna fichhetu a ni. Mi fel lo leh thiltiha hlawhchham thinte tan pawh hma lam beisei tur a awm thin hian nun hlimna min siamsak thin a, Pathian khawngaihna lanna tura kawngkâah a chang thin - 'Pathian beisei rawh, a hmela damna awm avang chuan...'

**NORTH EAST INDIA CHRISTIAN COUNCIL
(NEICC) CHANCHIN**

— **Rev. R. Lalnunzira**
Secretary, NEICC

North East India Christian Council puala tawngtai ni (NEICC Day of Prayer) October 16, 2011 kan lo thleng leh dawn ta a. India Hmarchhak Kohhran Inzawmkhawm lian ber, NEICC-in kan Lalpa Isua hmingin Kohhranhote chibai a buk a che u. He hun hi NEICC chanchin inhriattir thar lehna hun remchangah ngaiin a tlangpui chauh tarlang ila -

Bul tanna : Kohhran hrang inkara thawh ho leh inpumkhat hi Pathian duhzawng a ni tih hriatna Kristiante thinlunga nung flat chu November ni 23, 1937 khan rawn tiakin North East India Christian Council hi Kohhran tangrualin an din a ni.

A thiltum : NEICC thiltum tlangpui chu, kohhran leh Kristiante inpawl hona leh thawhhona tha tak siam te, Kristian zirtirna hmanga khawtlang nun chawi kân te, kohhran hrang inkara palai hna thawh leh a tul anga thurawn pek thin te, khawvel ram danga Kristian pawlte nena inunauna siam te, Kristiante leh sawrkar inkara palai hna thawh leh aiawh intirh te, kohhran hrang inkara inzah tawna boruak nuam tak siam tum flat te hi a ni.

Member nih dan leh tuna member dinmun : Tunah hian member 49 (Kohhran 35, para-church 14) kan awm mek. Kohhran tan member pangngai a nih theih a, para-church-te tan associate member a nih theih a. Member pangngai ni tur hian kohhran member 5,000 chin chung lam nih a ngai. Tunah hian Mizoram Presbyterian Church Synod chu member zinga chak ber leh min khai dingtu kan ti thei awm e.

thlûr lehlahmah zawm a ni

NEICC Chanchin chunzawmna...

Committee leh Department hrang hrang : Council hian Committee chi riat a nei a, department pahnih - Thalai Pawl (NEICC Youth Assembly) leh Hmeichhe Pawl (NEICC Women Assembly) lian tak hmarchhak huap a nei bawk. Inkhawmpui pawh kum khat danah an nei ziah thin.

Inkhawmpui : Kum tin Inkhawmpui, 'Annual Session' chu May chawlhkar thumnaah hman thin a ni a, hei hi rorelna sang ber a ni nghal bawk. Kum 2012 hnu lamah chuan inkhawmpui hi kum khat dana hman thin tura tih a ni.

A thil tihte

- 1. Union Christian College :** Kum 1952 August ni 14 khan Shillong bul Barapani-ah he College hi a din. Tunah chuan a puitling thawkhat tawh hle. Chaplain leh Nurse a pe bawk a, tunah hian Rev. V.L. Luaia Hranleh chu Chaplain a ni mek.
- 2. Platinum Jubilee Lawmna :** Nakkum 2012 hi NEICC kum 75-na (Platinum Jubilee) a lo ni ta reng mai a, hei hi ropui taka lawm tum a ni.
- 3. Research Centre din tura hmalakna :** Zirna pangngai chuan UCC hlawhtling takin kan din tawh a, tunah hian Pathian thu lama doctor zirna Research Centre Programme din turin a kawng dap leh mek a ni.
- 4. Thil dang :** Kohhran mi nawlpuite hriat phak lem loh hian NEICC hian kohhran innekna karah te, sawrkar hnenah te, hnam intihbuaina lakah te palai hna leh remna leh muanna hna a thawk ve reng a, hlawhtling a awm a, hlawhtling lem ta lote pawh a awm a, he lam thil hi chu a tul anga thawh chunzawm reng a ni.

Tawngtai rual ni : Kum tin October Pathianni vawi thumna hi NEICC rawngbawlna puala tawngtai ni (NEICC Day of Prayer) atan kohhran tinin hman theuh a ni a, kan thawhlawm pawh NEICC rawngbawlna puala pek a ni. Kuminah pawh kohhran hrang hrang inkarah inpumkhatna leh thawhhona tha a awm zel theih nana tawngtai turin kohhranhote NEICC aiawhin ka ngen a che u. A hrana tawngtaina thupui buatsaih lo hmu lo palh kan awm pawhin a theih ang anga he tawngtai rual hun lo hmang turin kohhranhote kan ngen e. Lalpan kohhranhote hruai zel che u rawh se.

Hre chiang duh tan NEICC Office, Bivar Road, European Ward, Shillong - 793 001. Phone 0364-2225496, Email: neiccshillong@gmail.com.-ahte zawh fiah theih a ni e.



Râl Vêngtu hnena thian dun lo kalte chuan, "Râl Vêngtu, hmelma Diabola leh a firkohte hnehna hriamhreî tha min kawhhmuh tur i hria em?" an ti a. Râl Vêngtu chuan, "Hria e, lei râl dona hmanruate chu lak a thiàng ve si lo va, hengte hi lo hmang thin ang che u," a ti a.

1. Pathian thu hi Chhandamna lukhum leh Thlarau ngûnhnâm a ni a. Lal Isuan Diabola thlemna a hnehna ngei mai kha a ni. Chhiar ula, hmang rawh u. He thutak hi in kâwngah hreng tlat ang che u.
2. Remna Chanchin Tha hi Setana hnehna ralthuam tha tak a ni. Mi dang rem hi kan chung a thil tha lo tih duh tute hnehna thuruk a ni.
3. Rinna phaw. Pathian rin tlat hi Jeriko kulhpui thiatna hmanrua kha a ni a; sual râl leh an kulhpui thiatna laipui mu a ni. Pathian rin tawp mai hi hnehna chu a ni.
4. Tawngtaina : Thinlung sual kalh hawsak theitu a ni a, van thiltihtheihna auh thlakna hmanraw tha a ni a, bang lovin tawngtai ula, mi felte leh rinawmte tana hnehna hmanrua a ni.
5. Pathian fakna : Paula leh Sila te khan mi sual khaidiat leh thir gate an patlang theihna kha a ni. Van malsawmna thlentu a ni.

VOHBIKTE SAWMNA

Zofate Arsi Êng - Kristian Tlangau chuan October thla hian kum 100 a lo tling dawn ta a, ropui taka lawm tum a ni. Zoram tlang tina he chanchinbu lo buaipuia, a sur a sa hnuaia lo vahvaihpui thin, Agent leh Sub-Agent zawng zawngte a lawmna min hmanpui turin kan sawm a che u.

A ni : 11th October, 2011 (Thawhlehi)
A hun : Chawhnu dar 1:30
A hmun : Synod Conference Centre,
Pi Zaii Hall, Mission Veng, Aizawl

Agent rawn tel thei tur chuan September 2011 ral hmain Phone 0389-2324590 (Office)-ah te, phone leh sms-in 9862365908 leh 9862331632-ah te, e-mail: kristiantlangau@yahoo.co.in-ah te inhriattir lawk ni se a lawmawm hle ang.

(REV. *THANGZABVA*)
 Editor
 Kristian Tlangau

PRESBYTERIAN HOSPITAL, DURTLANG AUGUST, 2011 CHHUNGA THILPEK DAWNTE

I. CHARITY FUND

1. Gateway Enterprise, Bawngkawn	Rs. 1,000
2. K.T.P. Suangpuiawn Bial	Rs. 1,00
3. Ngopa 'N' Presbyterian Kohhran	Rs. 2,000
4. K.T.P. Phuaibuang Bial	Rs. 1,000
5. Sapthei Growers Association, E. Lungdar	Rs. 1,600
6. Thingdawl Bial Kohhran Hmeichhia	Rs. 5,000
7. Pu Lunguala te nupa, Chaltlang	Rs. 3,000
8. Bawngkawn Chhim Veng Kohhran	Rs. 5,000
9. K.V. Multipurpose School naupangte, Durtlang	Rs. 300
10. Hming thup	Rs. 1,500
TOTAL	Rs. 21,400

II. THISEN PETE

1. TKP, Aizawl Town Baptist Church	241 units
2. KTP, Bawngkawn Nepali Branch	10 units
3. KTP, Sihphir Venglai Branch	33 units
4. Synod Higher Secondary School	117 units
TOTAL	401 Units

III. THIL DANG PETE

1. Rebecca Drug Centre, Zarkawt Aizawl Damdawi chi hrang hrang
 2. Dawrpui Vengthar Kohhran Hmeichhia (Grace Home tan) -Rs. 3,000
 3. MHIP General Headquarters (Grace Home tan) - Bed Sheet 20 & - Lukham case 20
 4. Hming thup (Grace Home tan) Iskut Bag khat
 5. KTP, Thuampui Bial Thutthlengsei (Cushion nen) pathum
 6. Rev. H. Sangkhuma te nupa, Wales Thermostat pakhat
 7. KTP, Zuangtui Branch, Aizawl Thutthlengsei 2 (Cushion telin)
 8. Pu T.T. Zothansanga (MLA), Champhai Flash lian tha tak
 9. Pu Zohmingthanga te nupa, Electric Veng, Aizawl An fapa piang lawm nan Lehkhabu 20 Nos.
 10. KTP, Thenzawl Dintar Branch Hmunphiah 61
 11. Sihfa Bial Kohhran Hmeichhia Thutthlengsei 9, hmunphiah 91 leh hmawhte suih (swabstics) thahnem tak
- Thilpek petute chungah kan Lalpa Isua Krista hmingin lawmthu kan sawi tak meuh meuh a ni e.

Sd/-
 REV. C. LALBIAKHLUNA
 Chaplain
 Presbyterian Hospital

THU LEH HLA HAPTA (Literature Week)

SL&PB chuan Kristian Tlangau kum 100 tlin denchenin October 10-16, 2011 chung khian **Thu leh Hla Hapta (Literature Week)** hman an tum. He hapta chung hian Kohhran, Kohhran Hmeichhia leh K.T.P inkhawmahte thu leh hla lam rawngbawlna pawimawhna leh hmasawn zelnâ tur thuchah sawi tur ruahman a ni.



Chhiahtlang Kawn veng Kohhran chuan June 28 – Aug 5, 2011 chung khan Gospel Logos Team Speaker C. Lalchullova, speaker-a hmangin Camping chhawng ruk leh naupang llang camp tum hnih an buatsaih a. Camper mi 790 an lut a. Kohhran pawl dang atangin mi 300 chuang an lut baw. Aug. 6, 2011 khan tisa ruai buatsaihin Pathian fak leh chawimawiin hlim takin hun an hmang.

Tuikhurhlu Kohhran chuan July 11– Aug. 3 chung khan Pu Lalsangluia Sailo, Gospel Reaper Team Speaker ruaiin Camping chhawng thum an buatsaih a, zu zuar leh zu in mi leh Biak In thleng pha lote an lut tha hle. Ni 3.8.11 khan Kohhranhoten Pathian chawimawiin ruai an theh a, Kohhran boruak a hlimawm hle.

Khawzawi Dintar Kohhran chuan July 12 – 29 chung khan Jehova Jire Team Speaker, Pi P.C. Vanlalnglaki ruaiin Camping chhawng li an buatsaih a, mi 457 lai an lut. Kohhran pawl dang atangin mi 18 an lut baw. July 30 khan Kohhranhoten Pathian an chawimawi a, August 1 khan Pu P.C. Vanlalhnunaten Pathian chawimawi nan vaw an thawh a, Kohhranhoten hlim takin Pathian an chawimawi.

Lawngtlai Bazar veng Kohhran chuan July 12 – 30 chung khan Upa Lalhmachhuana (Milunggaite Thian) Speaker-a hmangin Camping chhawng thum an buatsaih a, naupang pual llang camp vawi hnih an nei baw. Campers hi an vaiin 230 an ni. Kohhran pawl dang atang pawhin an rawn lut baw. Thlarau Thianghlim tihharh tharna an chang nasa a. August ni 2 khan tisa ruai an buatsaih a, awmi khamin Pathian chawimawina hun an hmang.

Zehet Kohhran chuan July 22 – Aug. 8 chung khan Pathian Thuruk Enkawtute Team Speaker Pu Laltindawla ruaiin Chhandamna Camping chawng thum an buatsaih a. Campers 203 zinga 16 te chu Kohhran dang mi an ni a, thenawm khua atangin mi pariat an lut baw. Pathian hnathawh ropui tak Kohhranah a lo thleng a, Kohhran an lawm hle.

Tawipui 'N' II Kohhran chuan Aug. 5 – 11 chung khan Hmangaih Fate Team Speaker Pu Laldintuanga Sailo ruaiin Crusade an buatsaih a. Thlarau Thianghlim pawl thar lehna ropui tak Kohhranah lo langin Biak In thleng thei tawh lote nen Biak In chhengah Lalpa an fak ho va, Kohhranhoten an hlawkpui hle. Thualthu khua atang pawhin mi eng emaw zatin he rawngbawlna hi an chhim thin baw.

Khawhai Venglai Kohhran chuan August 6 – 28 chung khan Jehova Jire Team Speaker Pi P.C. Vanlalnglaki ruaiin Camping chhawng hnih leh naupang llang Camp an buatsaih a, campers 735 an lut. Khawhaia Kohhran pangate lungruak takin an thawh tlang a. Mi inpete ran leh sum pek hmangin lawmthu sawina ruai tum li thehin he thu ziak lai hian tum hnih dang theh leh tum mek. Hetianga lungruak taka thawhona tha leh Pathian hnathawh ropui hi khawtlanga la awm ngai lo hiala sawi a ni.

Muanna Kohhran, Aizawl chuan August 6 – 28 chungin Church Revival Team Speaker Upa Vanlalzuia ruaiin Chhandamna Camping an buatsaih a. Camper zingah Kohhran pawl dang – Baptist, Roman Catholic, UPC, Seventh Day leh pawl chhuak eng emaw zat an tel. Pathian hnathawh ropui tak a thleng a, hlawkpui an inti hle. Chhngkaw pahnihin Pathian leh a Kohhran tan vaw an pe a, hlim takin tisa leh thlarau lam ruai kil ho. Tin, Jehova Jire

Team Speaker Pu Ramtharngaka ruaiin August 29 – Sept. 4 chung khan Crusade hlawhting tak neih chhunzawm a ni baw.

Kawrtethawveng South Kohhran chuan August 8 – 14, 2011 chung khan Upa R. Lalhmachhuana (Mi Lunggaite Thian) Speaker-a hmangin Revival Crusade leh Naupang pual Llang Camp an buatsaih a. Ni 16.8.2011 -ah rawngbawltu pual Llang Camp neih zui leh a ni a, mi 53 lai an tel thei. Aug. 17 – 20, 2011-ah mipui pual camp buatsaih lehin, campers 52 zingah Kohhran pawl dang atangin IKK (Sen) 4, IKK (Var) 3, Salvation Army 4 leh BBEC mi 2 an lut tel a. Kohhranah Pathian hnathawh ropui tak a thleng.

Sesawng Kohhran chuan August 20 – 28 chung khan Pathian Thuruk Enkawltu Team Speaker Pu Laltindawla ruaiin special camp an buatsaih a, ruihhlova tal buai leh Kohhran inkhawma lang ngai tawh lote chhanchhuah an ni a, Kohhranin an hlawkpui hle.

HRIATTIRNA

Synod Revival Speaker tur 2012 – 2013 atan lak thar a lo hun leh ta a. Dil duhte tan November 15, 2011 thleng dilna theh luh theih a ni. Dilna form leh thil dang chu Office Assistant hnenah lam theih a ni e.

Interview hun : November 18, 2011; dar 10:00 a.m.
A hmun : Synod Committee Room No. I


(REV. R. LALCHAGLIANA)
Director, Synod Revival

SAWMNA LEH HRIATTIRNA

Ni 20–23, October, 2011 chung hian Dulte Kohhran chuan an kohhran kum 100 tlin lawmna neih an tum a, Dulte Kohhrana lo lawi tawh zawng zawng leh Pastor leh Pro. Pastor, Bialtu lo ni tawh zawng zawng he Centenary hmang tur hian an sawm. A hranin sawmna an thawn lo v, a hei hi sawmnaah ngaihsak turin an ngen a ni.

SAWMNA

Champhai Vengthlang Presbyterian Kohhran chuan kum 100-na an lo thlen tak avangin October 18–23, 2011 chung hian a hlim thei ang bera lawm an tum a. Champhai Vengthlang Kohhrana lo lawi tawh phawt chu Lawmna Ni hmanpui tur hian an sawm.

HRIATTIRNA

Kumin 2011 October thla hi Mizoram Presbyterian Kohhran chanchinbu hlun ber, Kristian Tlangau kum 100-na a nih avangin Kristian Tlangau October issue bik hi pheh 100-a tihlen tum a ni. Kristian Tlangau Agent, zo khaw lama mi, copy la tam deuhho chu fun (package) khat ni thin kha fun hnih fun thum thlenga rawn thawn a ngai dawn a, Agent-ten in lo hre thiamin in lo ngaihven deuh dawn nia.

— *Business Manager, Kristian Tlangau*